

金陵全書

金陵全書

甲編·方志類·縣志

乾隆高淳縣志

(二)

(清)

朱紹文 修
盛業 纂

南京出版傳媒集團
南京出版社

圖書在版編目（CIP）數據

乾隆高淳縣志 / （清）朱紹文修，（清）盛業纂 -- 南京：南京出版社，2013.12

（金陵全書）

ISBN 978-7-5533-0366-6

I. ①乾… II. ①朱… ②盛… III. ①高淳縣—地方志—清代
IV. ①K295.34

中國版本圖書館CIP數據核字（2013）第239841號

書 名 【金陵全書】（甲編·方志類·縣志）

乾隆高淳縣志

編 著 者 （清）朱紹文 修 （清）盛業 纂

出版發行 南京出版傳媒集團

南 京 出 版 社

社址：南京市老虎橋18-1號 郵編：210018

網址：<http://www.njpbs.com> 淘寶網店：<http://njpress.taobao.com>

電子信箱：njpbs1988@163.com

聯系電話：025-83283871、83283864（行銷） 025-83283883（編務）

出 版 人 朱同芳

責任編輯 楊傳兵

裝幀設計 楊曉崗

責任印製 楊福彬

製 版 南京新華豐製版有限公司

印 刷 南京凱德印刷有限公司

開 本 889毫米×1194毫米 1/16

印 張 65

版 次 2013年12月第1版

印 次 2013年12月第1次印刷

書 號 ISBN 978-7-5533-0366-6

定 價 2600.00 元（全二冊）

高淳縣志卷十四

寺觀

佞佛而崇祀遍天下矣狄梁公於淫祠一千七百餘所盡而去之其有君子持世之通乎古邑雖小一稟憲章前卷已舉聖賢及歷代之神之祠與者數爲一類此外似可不書然說者謂愚悍之夫動輒恃其及兒泥神木像則肅然起敬罔敢褻越推此義也引而作之孝弟忠靈不難也况川嶽之精鬱爲靈異其足以垂禍雲雨者亦非前卷祀典所能盡固不得槩爲懸置卽野廟叢祠之瑣瑣不經者並得附于其後而詳其廢興蓋亦存前代之迹留版圖之名而爲流俗輯志洗心之一助云

爾志寺觀

淨行寺縣東北十二里周末有犁姓結廬其地漢明帝時有僧構

室誦經名潘城道場唐中和三年建寺

唐劉驪記云□□□□□□□□□□□□□□□□
素洞貫有無相□生併幪禮用運三界軸柄天地元關無碍門
敞□□□□□□□□□□□□□□□□□□□□□□
云史氏別業拾爲伽藍摩覲銘記莫知年代初翦茅樹□□□
□□□□□□□□□□□□□□□□□□□□□□□□
至睿文明聖皇帝卽位之年乃付囑□□□□□□□□□□朱氏
姓也斗藪於不二法門得曹溪心印有住非住有行非行絕人
我想達生死元怡怡然於□□□□□□□□□□步名山大川無不及
焉上人乃了悟處世界如虛室遂駐還脫屣掛錫棲心見此地
勢盤薄□□□□□□□□□□晚接南豫環境曉合太虛寥廓迺在目前
長川皎如月下上人乃心行菩薩發智慧慈以津梁心□□□

□□□繼月以月繼時以時繼年不緣不化他方自來別本獻
供繼踵而至因之堂室岫起房廊巖然荇立□□□道口鋪一
中其臺也迴穿雲外傍礙鳥飛鼎然出衆木之標迴矣過羣峰
之□敬繪迦盧舍耶變相悉達子成道地藏六起化方毗沙門
天王皆削衣鉢之餘償基用塑像則世尊當殿迦葉阿難深沙
十神賓頭盧上迦毗羅謹法神一一端嚴相好微妙諸菩薩衆
觀音藥師婁至如來聲聞大士摩□□法蘭之迴駕白馬獻經
華道場香爐繼燭士女駢比儒素憧憧持素臬脫上服瞻仰頂
禮布髮散華鐘磬瞭瞭六時經梵瞋目禪誦爐香合香無取無
舍色相皆空戒珠意珠應心而見火宅酒肆隨緣化人言不乖
情跡歸方便上人行維摩詰之行也潛龍口其川父風雷殷殷
宅泓瀛之間鉢中如在則上人成道之感也甘果茂盛木實離

雖不染衣花亂飛香風滿室石楠數本蔭藹庭軒白足真僧午齊
其下焚雲寒木藜落江山天地變化有無其間是知道以人弘
其斯之謂乎戮力齊志匡扶道場積累功德水不息晝
夜禮念洋洋則衆小師之功也不干朝野高枕雲山翫弄重孫
以道安閒雖處火宅心明內鑒慈悲爲先永斷受僧勸善布施
念佛敬僧則白衣居士顧矜唐和孫甫趙志顧左顧建顧表顧
超唐琚之行也聰明出格文章冠時陶潛後來武城之才則中
山子男隴西李沼之盛德也簪纓蓋於朝野才學富於前賢國
之東南聖心是託則廉察大夫河東裴公乾珍也驩偶秋賦不
以時名命述碑言敢虛譽隸於貞石以俟代移詞曰達哉上人
卓犖修真外無疵言內不染塵引諸迷途渡苦海津清淨比丘
無偏無黨智海極深福田彌廣冰心旣堅月秋愈朗導衆以寂

寺觀爲首例監既周功績可入刻石爲銘永永不朽丹陽陶真
固書

宋范成大云淨行寺旁皆圩田每爲潦漲所決民歲歲興築患
糧絕功輒不成爲詩以紀其事崩濤裂岸四三年落日寒烟正
渺然空腹荷鋤那辦此人工未至不關天 胡蛟之淨行院別
友詩三人非復世中情一晤東崖若夙生及我相尋俱在寺多
君再過更登城如今折柳遙堪寄向後飛帆各有征縱約秋風
同建業其如此日欲先行

禪林寺縣東二十里唐開元二十七年建宋太平興國五年改名
慧照寺淳祐十二年復前額明洪武二十五年附淨行寺永樂
元年復如舊制

宋吳璵記云古今以佛寺雄天下者來尚矣若夫崇信取堅莫

三十一

甚于晉宋齊梁間我朝以帝王道立國豈不能人其人火其書
廬其居耶但不恢闡象教蓋欲存古意云爾非徒爲求福祉度
僧尼而已也金陵屬邑有溧水由北而南忽蔥蒨蒼翠孤起於
直望八十里之外者禪林山也山有寺名曰禪林寺創於唐開
元二十七年其紀纂甚詳其碑緣石理豐潤淳熙間有縣宰某
者欲以爲硯遂昇而去竟使是寺失其興創始末之由幸釋可
仁克藏其事述一編具言師逢以武義元年祝髮後來至此山
毅然以再造爲已任凡大殿法堂僧寮行室廊廡山門鐘樓鼓
架次第補葺之釋氏有祖羅漢有像設齋有所辦供有舍庖湑
湫澹黝聖陶窺卒親前規悉增廣焉是役也始於吳王楊行密
太和三年之二月終於我宋藝祖開寶三年之五月太平興國
中改賜慧照今額宛然乃今又於山之極巔壘甃浮屠助翊寺

靈念不使終顏擬鳩工鑄珉以詔方來爰狀其事屬筆予也予
嘗陟其巔之坡登其山之椒挂笏凝眺雙眸豁然開鑿錯峙風
氣暢融息嶺嵯峨直聳於東南游山突兀環繞於西北漾千頃
琉璃於前者楚湖也展一簇丹青於後者楚城也松昂老龍竹
森祥鳳樨彩芬芳盼睠其間桑陰輒徙令人樂極生悲吟餘感
歎洋洋乎烟霞痼疾泉石膏肓之興聿於斯肯爲景物役也嗚
呼釋家去智悟法卽空藏於斯而遊息於斯歲變月遷天者還
而人者泯其必有慧眼者出而迴光返照矣向時以景物役者
可同日語哉予將於世相忘徜徉笑傲日叅三乘禪把握一佛
二佛三四五佛之手皈依法界於是山烟雲麓中不亦可乎故
書於是庶幾可以補禪林之闕使來者略有考云

孔慎詩孤峰高潔出塵埃試拂春衣坐綠苔眺遠思隨雙鶴度

懷辰心逐百花開石稜當岸因風泐樹影臨湖帶雨來怪得山中多伴侶鹿羣呼起不相猜 張蒼詩雲滿深林靄滿山平湖遙映說經壇丹崖翠壁當窓靜紫蔓黃花對塔閒布衲坐看簷日轉松灰撥盡石爐殘本來真性原無際肯把身安四大間保聖寺縣東五里唐貞元十七年僧貫休建原名龍城寺宋祥符間改今額後燬嘉祐三年甘文政重建明天啓七年重修燬後有浮屠吳赤烏二年建宋紹興四年劉川修明崇禎間又修邑人徐一范建藏經閣貯經四厨

南唐張宏記云粵夫園蓋方載無改無更金烏玉兔有虧有盈伽藍精舍或廢或興龍城古寺者始自唐貞元十七年僧貫休所建也後遇戈鋌殿宇焚毀碑碣灰滅至乾寧有五載歲在戊午時有僧法諱鴻朗俗唐氏魯郡人也不慕峰巒雲遊九土兩京

及南閩西蜀從心之後省返故世遂創立堂房厨宇焚修住持
順世之後吳郡小師惠懃紹襲募緣十方興建墉榭殿堂彩塑
未圓時有富春氏號希白字延光世住花韓考諱悖大父諱甫
曾大父諱通先于咸通年中興建潘城院鐘樓殿堂綵續形像
見存標額昭然今公與子渡字濟川同發心於此寺尊殿繪正
堵中尊文殊普賢等佛十大弟子四方天王護法龍神共五十
一身並已成就時保大十一載閏首月設齋慶讚訖復慮後來
罔知根始遂命清河張宏立記乃爲銘曰巍巍聖德四海晏然
時清民給古額重編堂堂金軀彩塑兩圓十方皎命給于後緣
龍城元始大唐所興朗公再建傳於惠懃奇哉孫氏父子同心
宣揚考祖今古皆欽蓋兮載兮不移不傾山兮分水兮長碧長清
宋胡應發記云子昔嘗遊花莊之正覺寺見今大資吳履齋先

生留題朝遊保聖暮正覺之句方拂塵間有僧在旁指保聖寺
謂予曰是古寺也一刹雲蟲諸房星羅其規模雄麗氣象軒敞
正覺寺不逮遠矣予聞之而足跡未暇及也比歸自黟山方掩
關習靜忽一日有僧求謁進而叩之則保聖寺之普訓也普訓
之言曰寺始於唐之貞元乃貫休所建也名曰龍城後罹兵燬
殿廡烟燼碑碣茨棘至乾寧之戊午寺僧鴻朗方因其廢址結
菴鳩聚徒弟惠懃克卒師志殫慮畢力發願起廢時有信善聞
風慨施於是殿堂再煥像設一新落成之歲時南唐保大十一
載也甲乙相襲代不乏人鐘魚殷殷香火綿綿相望幾百載大
宋祥符敕賜今額暨嘉祐三年寺僧奉新復撤其舊而再新之
時又有樞越甘文政啓大願力糜金巨萬用相厥成凡佛殿若
山門若法堂皆經始於此歲久弗治屋老將壓諸房各肩苦心

出力分構普訓實尸法堂土木之責尋捐孟資爲緡以千計者
七同房如造施七之六僧耆法勲施七之一間又勸化十方善
衆隨緣助捨遂以淳祐乙巳之五月首建法堂五楹發地坊壁
十六高僧繪像森列龕幔屏几僅僅繕完普訓曰敢丐公文記
之予觀今日釋徒假募緣之名未營一椽木蓋一瓦持鉢四募
家至戶到雖窮簷單民不敢以有無辭而且因之厚自封焉况
望其以私鉢供公役哉今觀龍城諸房雖支分派析至能不私
其私同心叶慮皆以飭蠱壞起頽仆爲急先於割已而後於取
人是則爲可記也雖然有說法之所將有聽法之徒說於斯聽
於斯不以聲求我以心求我則一竹之中有般若之光息一石
之內具真如之知見覺所未覺觸所未觸法相傳而燈不斷回
視前之正覺寺不逮遠矣

陳萬善記云今天下山川要會人物都雅之處必有精籃勝地
勝人原相藉也以故京師吳越之區琳宮絳宇棋置星列而文
章禮樂亦彪炳甲于中夏保聖寺始自唐貞元十七年貫休所
建其時濱於湖湄一碧萬頃永豐相國諸圩未築固蛟蜃龍子
之宮也遠依縣治在百里外其作始簡荒寂之地材力必薄况
以兵燹之後剝落荆杞中泊宋祥符敕賜今額殿堂再煥像設
一新迨經六百餘年而入我明孝宗弘治之壬子作邑於淳於
今乃爲歲臘令長率屬迎春之所雖幾經修葺而頽敝不堪僅
有古塔倚空方輪彫墜敗椽滯雨僧寮寂如寺故無垣東西雜
居僧習爲誦經作法事以取資糧不復知薙髮爲何事甚而大
士之堂或以客豕無所爲淨地者余昔與同年張恂吾游息於
此欲爲此中彰教而無其資暨余修山中業不曾持官中物而

逡巡冷澁尤不欲借長吏之令以邀檀施惟予願力所滿而已
門無殿廊庚堅飾舊中之寶相霍氏瑞祥者範金爲像嘉靖至
今七十餘年已經數髹金容妙湛猶暉鏡乎三千麗像儀圖尚
相顯夫四八乃爲莊嚴增光慈憫并作大垣砌以磚石凡地係
民業用價承買絲以圍罩僧居不與俗通使得安禪於此其計
五百餘丈用磚幾十萬粗具成規倣而未備僧性如等謂不可
以無記余謂寶塔未修藏經閣未備安所用此性如屢爲請因
思恒河劫內總此精靈轉相授記安知他日不有乘此願力現
宰官身現居士身而結此緣者奚必自余出爲快哉

徐一范鼎修浮屠記云天下永者存乎繼賴者滋乎無形小賴
微大賴忘何以言之堯舜周孔之道躬行實踐民之質矣繇而
不知老聖虞其知則私故出而言無無我也如國無我而有國

鄉無我而有鄉也嗣浮屠氏出而言空謂空諸沈錮貪怪悖戾
驕吝者也若忠孝廉潔一切裨益建豎之事五千言何嘗空及
此乎然老聖與孔子同世未嘗黜斥之釋後出而後賢顧非之
者何甚哉後之人之識之不若也浮屠氏亦補世之不逮而爲
之益者豈遂無後賴哉吾淳保聖寺塔卓從有唐宋繼而新之
矣歷年久蝕於風雨昔問業精舍時已岌岌爲鸛鶴巢卵危况
於人乎其時不瞻也今上丁丑歲端憂多暇乃聚父老十數
輩嚮而謂之曰凡郡邑之有浮屠非徒崇梵已也蓋自形家言
補厥不足而益之美使有所裨益顧朽矣不治將恐墮盡新之
父老曰唯是淳之瞻也而公之倡公之賚也敢不趨事告諸子
衿曰是序之與也繁之筆焉士之華而公之倡也敢不趨事告
令長曰是守土者之政也公之倡其休我也厚矣敢不趨事於